

Namminersornerullutik Oqartussat nalunaarutaat Oqaasiliortut pillugit

Oqaasiliortut pillugit Inatsisartut inatsisaanni nr. 12, 26. oktober 1989-imeersumi §§ 3 aamma 4 tunngavigalugit aalaj angersarneqarpoq:

§ 1. Oqaasiliortut suliasaraat oqaatsit oqariartaatsillu nutaat, naalisakkat ilanngullugit, katersussallugit nalunaarsussallugit akuerissallugillu.

Imm. 2. Oqaasiliortut suliasaraattaq kalaallit oqaasii pillugit pisortat inuillu siunnersortassallugit.

Imm. 3. Aaammattaq oqaasiliortut suliasaraat suliffeqarfiit kalaallisut aammalu Kalaallit Nunaanni atersuisartut imaluunniit atissanik inassuteqartartut suleqatigissallugit.

§ 2. Oqaasiliortut suliasaraattaq:

1) pisortat inuillu ilitersortassallugit oqaatsit aqquillu nutaat nunanit allaneersut atornerarannik.

2) kalaallit oqaasiisa eqqortumik allanneqartarnerannik atuakkiaq aqqissortassallugu saqqummersittassallugulu.

3) killiffilersuutit, oqaatsit allannissaat ass. pillugit malittarisassaliussallutik.

4) kalaallit oqaasii pillugit atortussat qaammarsaataasut siammartissallugit al:uagassiat piffissami aalajangersumi saqqummersartut kulturimut tunngassuteqartut aqqutigalugit.

5) Kalaallit Nunaanni nunat aqqinut aalajangiisartut suleqatigissallugit.

6) nunani avannaamioqatigiinni suleqatigiiffiit taamaattut suleqatigissallugit.

7) nunani allani suleqatigiiffiit taamaattut, taakkunani immikkut pingaartissallugit Canadami, USA-mi USSR-imilu Inuit kattuffii, suleqatigissallugit.

Imm. 2. Naalakkersuisut Oqaasiliortut sulianik siuliini taaneqartunut assingusunik allanik sulisissinnaavaat.

§ 3. Kalaallisut oqaatsit oqariartaatsillu nutaat, taakkununga ilaallutik naalisakkat oqaasersiallu, Oqaasiliortunit akuerineqartinnatik misissorluarneqaaqqaartassapput paasisimasallit suleqatigalugit.

Imm. 2. Oqaasersiat kalaallit oqaasiinut ilannguttussatut akuersissutigineqartlunnagit, Oqaasiliortut periarfissaqarsimassapput nalilersussallugu allanneqarnikkut oqalunnikkullu kalaallit oqaasiisa nipaannut pissusiannullu tulluarsarneqarsinnaanersut.

Imm. 3. Akuersissutiginniittussaaneq akuersissutiginnittartunut allanut tunniunneqarsinnaanngilaq.

§ 4. Oqaasiliortut ullorntut sulinerat allattoqarfimmit Kultureqarnermi atuartitsinermilu Pisortaqaarfimmi inissisimasumit ingerlanneqassaaq.

Imm. 2. Oqaasiliortut sulinerminni atugassanik ukiumoortumik aningaasatigut missingersuusiortassapput.

§ 5. Naalakkersuisut Oqaasiliortut ataanni ataatsimiititaliorsinnaapput suliasanik immikkut ittunik sulissutiginnittussanik.

Imm. 2. Ataatsimiititaliat taamatut pilersaarusiugaallutik aningaasartuutissaat Oqaasiliortut ukiumut

tullermut aningaasatigut missingersuusiaannut pisariaqartumik qinnuteqaatigereerlugit ilanngunneqartassapput.

§ 6. Naalakkersuisut Oqaasiliortut suleriaasissaat aalajangissavaat Oqaasillortut siunnersuutaat tunngavigalugu.

§ 7. Oqaasiliortut ukiut tamaasa sulinertik pillugu naalakkersuisunut nalunaaruteqartassapput, tassunga ilanngutissallugit apeqquteqaatit qanoq akineqarnerannik namminnerlu saqqummiussamik qanoq ilusilersorneqarnerannik paasissutissat.

§ 8. Nalunaarut atulerpcq 1. juni 1990-imit.

Namminersornerullutik Oqartussat, ulloq 15. maj 1990.

Jens Lybert

/

Hugin Christiansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut